

第五十七

列女傳

彭炳基抄

廿九年十月四日新炳集

登記記



節孝
三二

節孝二

清

戴氏康如鑪妻年二十寡矢志五十餘年按院朱克簡題請旌表

黃氏林士前妻年十七嫁未閱月而寡矢志守節按院成性具題旌表年給養

贍卒年七十六歲

王氏庠生宋祖炯妻年十七嫁六閱月夫亡守節四十餘年卒按院李具

題旌表

鄭氏黃起佐妻年二十寡守志四十年營葬舅姑及夫郡縣詳請旌表

黃氏舉人黃起維女庠士彭士炯妻年十四于歸四閱月而寡守節養姑撫遺

腹子得旨旌表年六十六

郭氏朱氏郭氏庠生陳憲紀妻姑病刲股愈之明知縣曹天錫扁曰孝聖

壹儀晚得瘋疾舅庠生元煥妻朱氏服事維勤知縣莫家旌扁曰賢孝嗣徽

方氏 鄭氏 方氏貢生林簡妻博通經史年二十九字節與妾難鶯陽年十九
九幾幾相依食貧勵操方卒年七十六鄭卒年四十七知縣金皋謝扁曰水
節獨存

陳氏姚孕良妻二十五歲夫亡氏字節事翁姑布政使周亮工給孝節扁獎之
姚氏儒士黃光表妻以崇禎庚午應試不遇投水沒氏年二十四寡事姑至孝
苦節四十載立嗣子恭領康熙庚午鄉薦鄉里監稱之

林氏庠生邱希旦妻姑病到股和藥以進姑立愈翁消渴三年氏衣不解帶凡
湯藥皆頃刻應積勞身殞族黨稱孝

林朱哥父啟鼎病到股和藥以進病遂瘳二兄一時繼病復對天左右腕焚香
以禱兄病皆尋愈

黃氏儒生陳喬伯妻喬伯早亡氏年二十二家無貯粟操女紅易之嘗自啗糠
覈而以稻膏奉姑終養治喪無闕禮撫一男一女龜勉婚嫁之年九十卒

吳氏鄭而會妻而會遊學山左卒氏聞訃投繯姊似急救之婉勤以遺孤方幼無可託者乃強活家貧忍饑寒勤紡織撫子成立年五十餘卒

鄭氏鄭重女適舉人吳鴻磐長子全五早寡無子翁姑兄弟諸姪亦相繼歿氏獨居苦節二十餘年卒其妹適平海張氏子年二十餘夫歿無子守節奉姑至老卒

黃氏儒生魏煜妻幼時寡母嬰危病熱肱禱額立愈年十六歸煜翁病篤刲股調羹以進翁亦尋愈煜卒氏年二十四家貧矢志撫孤卒年四十餘

張氏儒士李盛宗妻年二十九而寡事姑撫子苦節七十年享壽百歲
林氏庠生方用章次男哥治妻年十七于歸育二子二十二而寡翁與二子相繼歿氏矢志守節年七十一卒

曾氏楊兆綸妻綸早卒姑病嘗刲股以療之撫孤姪家貧歲凶瀝己子而留其姪及長為之娶婦矢志苦節鄉里義之卒年八十一

王氏方世英妻年三十寡子六歲矢志守節以紡織資生備極艱苦撫子成立年七十餘卒

張氏庠生林元亮妻早寡無子守志四十餘年卒

謝氏方富字妻事舅姑孝謹年二十七寡撫一字紡織自給及子將受室亦卒氏丐親戚錢葬之貞潔自矢茹素終身

黃氏知府許一星孫而繁妻年十八適而繁甫四十日而天亡氏誓與俱死而案祖母陳恭人防護甚密既而知有娠及期生子遂以撫孤自勵義方嚴謹以底成立苦節四十餘載年六十一卒

林氏舉人林鳴皋孫女鄭知貞妻年二十二而寡苦節持素事舅姑曲盡孝道撫幼子成立年六十四卒

謝氏方祖純妻祖純早逝氏年二十守節事姑族稱節孝年六十一卒

葉氏庠生鄭震妻早寡遇寇欲殺其姑以身翼之哀求代死不得翁老病卧床

曲盡孝道年六十餘卒

陳氏翁登庸妻夫亡氏年二十二子方在抱孀居勤女紅以養舅姑或議改適氏隨即自經家人救免守節終其身

許氏鄭楚白妻年十八夫故生子未兩月守節撫之知府顧鏞旌曰壹節全貞子歿復撫幼孫姑媳相依以壽終

鄭氏陳聖來妻早歲夫亡苦志立嗣撫院劉秉政扁曰天朝褒節

黃氏林鼎黼妻夫早逝孀居四十載家貧養舅姑丁酉寇變翁遭難吮血收殮知府慕天顏扁旌之

黃氏高日章妻年二十五夫卒守志事姑孝敬撫子成立知縣莫家楨扁曰節孝可風分字王承祥以柏舟矢節旌之年七十三卒

方氏知縣方浯孫女贈州同林向升妻孝事翁姑年二十二向升卒欲自殉念宗祧為重乃立姪孫楨為嗣提學楊鍾岳扁曰節孝流徽以嗣子楨貴封安

人年八十三卒

林氏李兆祥妻年二十五而寡勤女紅葬三世停柩知府趙邦牧扁曰苦節可風知縣金皋謝扁曰撫孤樹節年七十餘歲而卒

黃氏邱陽仲未婚妻夫歿守節不嫁七載病卒知縣金皋謝給扁在之

林氏歐元未婚妻元早夭氏奔喪守節事姑孝至十三載卒知縣金皋謝扁在之

曾氏陳廷泰妻年二十七夫亡家貧守節以女紅自給營葬翁姑及夫年五十七歲卒

楊吉治郭尾未婚妻尾死於虎氏夜夢一童子姓郭來見自是誓不適人依父兄而居隣有欲娶者力拒之年四十餘將卒召承繼者來遺命與尾合葬焉柯氏參議柯士芳女廩生朱洪乾妻洪乾戊子遭寇難氏年甫二十生男逾月矢志孀居三十餘載卒

游氏員外郎游叔驊女知府葉天陞男秦英妻于歸甫二載夫歿守節三十餘年卒年五十七

游氏員外郎游叔驊孫女同知林豐孕男志揚妻未婚夫得廢疾情願退婚氏誓死不從入林門扶以寢食二十一載夫歿族中棄其先宅氏所居獨堅守宗桃賴以不移教嗣子迄于成立年六十八卒

葉氏知府葉天陞女參議周燝次男舉人圻妻年三十六守節撫孤成立為夫營葬年九十一歲卒

王氏戶部主事林鳴瑞繼室年十八守節如素年至九十五歲卒

游氏按察使游雲鴻女林鳴瑞庠生林顯祚妻年二十八夫亡誓志養姑撫教子嘉楠以嚴易慈年七十卒嘉楠領己酉鄉荐官阜平知縣敕贈孺人

魯氏浙江常山人父元璘官臨桂訓導時舉人許宗洙在粵聘為繼室生子六月宗洙卒于粵氏年方十九在父署間計辭父同老僕扶襯歸事姑撫子備

嘗辛苦年七十三卒

黃氏陳偉妻年二十四而寡生子志寅纔三歲撫孤守節卒年八十一

歐氏知縣歐志學孫女庠生吳元吉妻年二十歲守節六十四年至八十四歲

卒

林氏庠生鄭龍見男天柱妻年二十八而寡事翁以孝聞勤女紅撫子成立年

七十九卒

俞氏庠生朱符妻年二十五丁酉寇難作符遇難歿氏守志撫孤成立年六十

一卒

陳氏馬徵珥妻年二十而寡守志不出閨門勤苦奉姑氏年七十八卒

鄭氏陳起祚妻年二十二而寡孝事翁姑翁病額禱輒應撫子成立年六十二

卒

余氏知縣余鵬女太僕卿宋禎漢男庠生孕琰妻孕琰為巡按周世科誣陷死

氏年十九矢志守節撫孤成立年六十八卒

俞氏布政俞維字孫女知縣吳聖錫男向宸妻宸隨父之官卒于粵俞如素苦

志三十年卒年五十

周氏遊擊周承女年十七許配守備鄭九洲子福福本將材康熙癸亥隨施琅

攻澎湖墜海死氏往福家事姑以女紅供甘旨二十年如一日壬午姑病篤

氏籲天請代不愈終喪尋畢趣父弟與治喪具示期而卒

李氏陳鎬妻年二十四鎬卒氏甘貧守志撫孤年九十歲尚健知府徐希聖扁

曰春粹秋榮

唐氏知縣唐崧華姊李宜春妻年二十而寡守節不逾年八十一知府趙邦牧

以義訓有方扁旌之

林氏庠生龔夔妻年十九矢志守節年八十五知縣金皋謝扁曰節婉水玉

姚氏曾一儀妻事姑至孝年二十四而一儀卒生子超彌月苦節訓育超領康

熙丙子鄉薦姚尚勤苦刻勵年七十一歲知縣金皋謝扁曰荻教流徽

吳氏陳公表妻早年夫歿守節年七十歲知縣金皋謝扁曰節凜水霜

黃氏程御侯妻夫歿氏年方二十一茹荼育子耄耄一節年八十五知縣金皋謝

扁曰松筠繼美

林氏庠生陳解人妻事翁姑以孝聞年二十七夫歿安貧守志撫孤年八十卒

許氏庠生許天驕女歸貢生黃梓之孀存肅年十九夫亡孀姑衰白腹有遺孕

忍死矢志紡紵奉甘旨撫育孤兒以賢孝聞年六十餘依例旌表

吳氏李廷柱妻年十八寡矢志立嗣翁被海寇所擄氏棄產贖還姑病篤割股

以進既而嗣子大復撫孤孫年八十嗣婦許氏與姑同守志人稱雙節

林氏庠生林士樸女黃士政妻年二十二而寡力貧守志為夫立嗣年七十五

卒雍正五年建坊旌表入祀節孝祠

林氏知府林兆珂孫女庠生鄭阜妻年二十六夫卒茹荼守志舅姑繼歿經營

喪葬撫子成立年八十四依例旌表

戴氏方瑞御妻年二十八夫歿家貧事姑盡婦道撫子成立守節四十年奉旨建坊旌表

李氏御史林銘几妻年二十二孀居無子有某帥挾威迫娶氏持刀誓死不從守志苦節年八十五依例旌表

翁氏彭汝弼側室年二十三寡遺孤焜甫十月寇亂年飢外家欲辱其志誓死不從力貧苦節撫子成立年八十依例旌表

林氏廩生許國球妻夫歿守節年六十八依例旌表

朱氏林廣卿妻年二十九夫病刲股焚香夫歿矢節立嗣撫教成立翁老年紡織供膳帑七十餘訪旌表

林氏康棧妻夫歿守節年五十五餘訪旌表

蔡氏儒士黃士裳妻年八十子歸甫九月夫歿矢志孀居事舅姑盡孝姑病刲

晚愈之撫嗣子有成年七十五依例旌表

鄭氏知縣鄭

先女黃迹妻年二十二寡矢志節立嗣孝養舅姑嗣子早夭與其

寡媳撫育孤孫年六十六卒旌表

程氏修職郎程天拔女林承堦妻年二十七寡力貧養舅姑育二子長子早世

與長媳苦節相依數十載如一日年六十五旌表

林氏中丞彭鵬長子州同聖壇妻事翁姑以孝謹稱年二十八聖壇歿氏守節

撫教二孤戢鐸有成為翁營建祠墓年六十六卒巡撫黃國材扁曰名門賢

母

朱氏儒士林廷清妻二十三歲而寡冰操自持孝事舅姑撫三子成立年六十

九旌表

董氏儒士陳錫有妻二十七歲而寡奉七旬太翁女紅資養遺孤生甫四月鞠

之成立艱苦備嘗年六十一卒旌表

周氏舉人圻孫女黃先孕妻年二十二而寡撫四歲遺孤庶長列群庠家貧苦守延黃氏九傳一綫年七十三卒

吳兆治林琦未婚妻年十八聞琦卒奔喪孝事太翁紡織資養翁病篤割腕肉和糜以進病立愈未幾夫兄歿於外鄉翁繼殂氏艱苦儉積為夫翁卜葬家門零落歸依母以居乾隆七年外家失火氏抱翁姑與夫木主慟哭民舍多被燬獨氏數椽無恙疑有神護母既沒且葬歎曰吾所以不即死者為母也今尚何待遂堅卧絕粒十餘日卒

陳氏儒士姚博妻年二十一夫歿廿貧守志立姪飛鳳為嗣督課遊庠營葬舅姑及夫樞年六十二卒

徐氏知縣林穀男聖和妻年二十而寡孝事舅姑鞠遺腹兒既受室生孫又相繼俱殞姑媳相依如荼屬節年五十四採訪旌獎

吳氏孔士榮妻年二十八寡養姑育兒苦節六十五載壽九十三知府蘇本潔

以松筠媲賢旌之

孫氏黃孟立妻年二十夫歿於外撫孤守節奉翁姑終養喪葬如禮年五十二

卒

陳氏余文祖妻年二十一寡事舅姑甚得婦道歿後營葬盡禮撫教兒孫守節

六十餘載年八十四卒

林氏黃聖芳妻年二十六歲夫歿力貧守志撫二子成立為舅姑及夫營葬年

六十七採訪旌獎

辜氏林大韶妻年二十一夫歿矢志如荼奉養庶姑克盡婦道兼教遺腹子成

立歷節三十二載乾隆十二年奉旨建坊旌表知府瀨善扁曰志堅金石

張氏卓君煒妻年十九寡為夫立嗣營葬奉養舅姑甘旨無缺守志三十四年

隣里請于官旌之

林氏劉成瑞妻二十四歲夫歿奉翁姑盡孝撫遺孤柏入郡庠年六十一採訪

旌表

方氏廩生方火韓女舉人廷光姊戴為左妻年二十六夫歿養姑育子艱貞守節年六十歲依例旌表

徐氏 宋氏 徐氏翁汝訓妻年二十三寡家貧矢志奉姑終年遺腹男景斯娶婦宋氏未幾景斯夭宋年二十四姑媳相依水操共凜辛勤育幼孫徐卒年六十六宋氏年六十七採訪旌表

俞氏黃志煥妻年二十一守節撫孤奉養翁姑無忝婦職年五十四卒歐氏常必達妻年二十六夫歿舅姑老以女紅備養撫二幼子成立年七十九採訪旌表

葉氏知府葉天陞孫女江有朱妻年二十歲而寡力貧勵節孝養翁姑遺孤纔三月撫之成立知縣汪郊扁曰節孝維風年八十三採訪旌表

黃氏舉人黃光先女姑適葉氏年二十夫歿事舅姑克盡婦道撫週歲孤課